

HISTRI BLO KOT BLONG KRAON

- HISTRI BLO KOT BLONG KRAON
- WANEM KAEN KOT NAIA HEMI GAT PAWA BLO LUKLUK LONG RAORAO BLONG KRAON MO MEKEM DESISEN LO ONASIP BLO KRAON?
- DESISEN BLONG KAONSEL BLONG OLGETA JIFS BIFO 2001 HEMI GAT PAWA? YES O NO MO FROM WANEM.

SAM MOA INFOMESEN LO KOT BLO KRAON

- KOT BLO KRAON ANDA LO CLM AKT TU HEMI SAVE LUKLUK LONG KES BLO KRAON WE I STAP LO APIL KOT, SUPRIM KOT MO AELAN KOT?
- FROM WANEM YUMI GAT SPESEL KOT BLONG KRAON?
- WANEM LOA BLONG VANUATU I MEKEM KOT BLO KRAON I SAVE STAP?
- OLGET HU BAE OLI SAVE SIDAON OLSEM JAJ LO OL KOT BLO KRAON?
- BAMBAL KOT BLO KRAON I JAJ FOLEM WANEM LOA?



Kastom Lan Management Office

George Pompidou
PMB 9008
PORT VILA
RIPABLIK BLONG VANUATU
FON: (+678) 27297
EMAIL: npantutun@vanuatu.gov.vu



Kastom Lan Manejmen Ofis

Phone: (+678) 27297



Kastom Lan Manejmen Ofis Infomeisen

Histori blong ol kot blong kraon

Bifo 1980 - Join Kot blong Niu Hebrides (JCNH)

1980 - Suprim Kot blong Vanuatu

1983 - 2001 - Aelan Kot, (Apil i ko long Suprim Kot)

2001 - 2013 - Lan Tribunal Akt No 7 blong 2001. (Vilij Kot, Eria Lan Traebiunal mo Aelan Traebiunal)

2013 Kasem Tete - Kastom Lan Manejmen Akt, (Nakamal mo kastom Eria Lan Tribunal)

WANEM KAEN KOT NAIA HEMI GAT PAWA BLONG MEKEM DISISEN LO ONASIP BLO KRAON?

Parliament blong Vanuatu hemi fomali rikonaesem ol kastom bodi o institusen, **Nakamal mo Kastom Eria Lan Traebunal** blong I save sidaon mo lukluk long raorao blong onasip blong kraon.

Kastomari institutuion nawia hemi gat pawa blong mekem disisen lo ol raorao lo onasip blo ol kastom kraon lo ol difdiferen aelan blong Vanuatu folem stret kastom blong ples we kraon hemi stap long hem.

DISISEN BLONG KAONSEL BLONG OLGETA JIFS BIFO 2001 HEMI GAT PAWA? YES O NO MO FROM WANEM.

Disisen blo olgeta Kaonsel Blong Jif bifo lo 2001 hemi no gat like pawa anda lo loa blo Vanuatu. I kat pawa nomo sapos apil kot, suprim kot, majistret o aelan kot hemi holem taet. Disisen blong Kaonsel blong olgeta jifs, bifo 2001 hemi no gat likal pawa befor 2001 from nomo se anda lo loa blong

Kondominiom mo konstitutsen afta indipendens pawa blo mekem desisisen long saed blong onasip blong kraon hemi stap yet wetem Suprim Kot mo Aelan Kot. Ol Jif oli jes karem pawa blong olgeta olsem ol jaj long 2001 taem palamen hemi pasem niufala loa blong Lan Traebiunal Akt 2001.

KOT BLO KRAON ANDA LO CLM AKT TU HEMI SAVE LUKLUK LONG KES BLO KRAON WE I STAP LO APIL KOT, SUPRIM KOT MO AELAN KOT?

Seksen 5(3) blong CLM Akt:

“Blong avoidem daot, sipos, long taem we Akt ia i stat blong aplae, ol prosiding we oli pending long Suprim Kot o long wan Aelan Kot long saed blong wan raorao ova long wan kastom graon, bambae oli no savelukluk long raorao ia anda long Akt ia sipos evri pati long raorao ia oli no agri long hem.”

Folem seksen antap, loa ia hemi no aplae long kes we I pending yet long wan kot anles evri pati oli agri se bambai oli dilim kes anda lo CLM Akt.

Seksen 5(4) (4) Sipos long taem we Akt ia i stat blong aplae, ol prosiding long saed blong wan raorao ova long wan kastom graon oli stap long foret blong wan singol o joint vilij Kastomari Land Traebunal, wan singol o joint sab-eria Kastomari Land Traebunal o wan aelan Kastomari Land Traebunal taem we Akt ia i stat blong aplae, bambae oli saspendem olgeta prosiding ia, mo bambae ol kastom lan ofisa oli rifearem raorao ia i go long stret Nakamal o kastom eria lan traebiunal blo oli tekem disisen long hem anda long Akt ia.

FROM WANEM YUMI PUTUM SPELSEL KOT BLONG KRAON?

Hemi unique mo hemi set up follem Article 78 blong Constitution blong Vanuatu we hemi mama lao blong kantri.

Wanem Loa blong Vanuatu I mekem kot blong kraon I save stap?

Kastom Lan Manejmen Akt Namba 33 blong 2013.

Olgeta hu bae oli save sidaon olsem jaj long ol kot blong kraon?

Ol man ples weo li save gud lo fasin blong kastom we kraon I stap lo hem.

Bae ol jaj I follem wanem Loa?

Follem kastom lan loa blong ples we kraon I stap lo hem.

Kastom Lan Manejmen Ofis

George Pompidou

PMB 9008

PORT VILA

REPUBLIC OF VANUATU